

毛
詩
要
義

要義卷第

周頌

一 周頌作於周公攝政成

周頌譜周頌者周室成功致太平德洽之詩其
作在周公攝政成王即位之初

二 周公六年制禮制禮之前固有頌

正義曰書傳曰三年踐奄多方曰惟五月丁亥
王來自奄自此之後無復征伐易注云行誅之
後致太平自三年數也故四年之封康叔因欲
營洛以觀民心康誥曰周公初基作新大邑于

東國洛四方民大和會周公以三年太平即應
作禮樂但爲優游之故至六年乃作其禮樂自
優游未作頌聲乃人志所爲制禮之前頌已作
矣故周禮太師教六詩六曰頌樂師帥學士歌
徹謂歌雍也制禮之時得取頌詩爲樂是制禮
之前有頌也制禮之後民俗益和明頌聲乃作
可知故摠云其作之時在周公攝政成王即位
之初也成康沒而頌聲寢不廢康王之時仍有
其頌但今詩所無耳

周頌四篇武王時八篇成王時本鄭說

周頌所頌之事多在成王即位之前今檢其作之早晚前後亦參差不同案賚序云天封於廟也箋云大封武王伐紂時封諸臣有功者宣王二年左傳昔武王克商而作頌載載干戈載櫜弓矢又作武其三曰鋪時繹思我祖惟求定其六曰綏萬邦屢豐年其在時邁與般叙武賚桓也而桓說武王伐紂之事時邁與般叙三巡守案康王之誥云王若曰庶邦侯甸男衛注云獨

舉侯甸男衛四服者周公居攝六年制禮班度
量至此積三十年再巡守餘六年侯甸男要服
正朝要服國遠既事遣之衛服前冬來以王有
疾留之如鄭此言以攝政六年而六服咸在以
爲年端則成王即位後十年乃巡守是爲攝政
至成王之初無巡守也明時邁與殷武王時也
此四篇皆武王時事也閔子小子訪落敬之三
篇序云嗣王經稱小子是成王除喪嗣位未改
喪中之稱攝政之前事也有客微子來見祖廟

箋云成王既黜殷命殺武庚命微子代殷後既受命來朝而見命尚書叙微子之命在誅管蔡之前則微子來見是攝政二年之事也凡此八篇事皆在太平之前也

四 成王禘祫之年以魯禮言之

雖禘太祖以魯禮言之武王以成王年十歲十二月崩則成王年十三祫於武王之廟年十四禘於羣廟乃年十七攝政三年而祫至五年而禘雖於周禮徹而歌之則事在攝政六年之前

而攝政五年及成王十四時俱有禘檢其篇中
二者無以可明而雖箋云得天下之歡心似五
年之事也維天之命太平告文王箋云告太
平者居攝五年之末則亦五年之事也

三朝諸侯郊禘皆周公攝政六年時

明堂位曰昔周公朝諸侯於明堂之位謂在洛
邑也孝經曰昔者周公郊祀后稷以配天宗祀
文王於明堂以配上帝然則朝諸侯郊禘皆攝
政六年所爲而清廟周公既成洛邑朝諸侯率

大

祭

祭

祭

祭

以祀文王焉我將祀文王於明堂思文后稷配
天皆六年時事也昊天有成命郊祀天地不指
年月而郊祀周公所定思文頌所配之人昊天
有成命言感生之帝祐及後世以事相況蓋與
思文同時也振驚二王之後來助祭箋云二王
夏殷也其後祀也宋也微子攝政二年始爲殷
後獨來見於祖廟祀本先封不當與宋俱至今
二王之後並來助祭則在有客之後也祀宋異
服不應並朝蓋亦周公朝諸侯於明堂之時與

一

天下俱至則振鷺亦六年也祀宋二國亦得去

粉

二王之後如是則其時不可知也酌告成大武亦

需

六年之事箋云其始成告之而已是也既告當

以

作之以觀其和否有瞽始作樂而合於太祖云

書

始作明既告之後合而觀之即告也合各有禮

於廟以樂初成所以合而作之故曰既備乃奏

肅雝和鳴亦爲六年時事也朝明堂之時諸侯

及二王之後皆未去故云我客戾止永觀厥成

以此考之事相符合也

八周公制禮作樂而奏大武乃在歸政後

周公攝政六年制禮作樂則大武之樂當奏之矣而酌箋云歸政成王乃後祭於宗廟而奏之者以周公之作禮樂主爲成王故據成王而言之不言攝政之時已奏大武則武詩之作其時未可明也載見箋云諸侯始見君王謂見成王小毖曰予其懲而箋云我其創艾於往時矣皆成王即位之初也烈文成王即政檢成王除武王之喪周公未攝之時與周公致政之後二者皆

爲即政若除喪之時事宜與閔予同時而閔予
三篇與羣臣謀事稱未堪家多難有求賢自退
之志今烈文之篇申敕諸侯卿士以賞罰爲已
任亦宜爲歸政之後成王即位之初也故服虔
注左傳亦云烈文成王初卽洛邑諸侯助祭之
樂歌是也其維清叙皆得爲武王之事但叙去
奏者容周公成王時所奏述其事而爲頌故不
可必定也

九噫嘻等詩言豐年物多乃太平事

噫嘻曰既昭假尔臣工曰迄用康年豐年曰豳
黍多稌載芟曰萬億及秭良耜曰其崇如墉濟
曰潜有多魚言豐年物多以告神明是論太平
後事但不知攝政三年之後定指何年耳天作祀
先王先公事與天保于公先王文同以禘祠烝
嘗類之是爲時祭執競祀武王說武王生時之
功絲衣繹賓尸說繹祭得禮之宜推檢無以知
其早晚以祭乃繹是告神之作亦有其太平之
年事也

十升歌清廟下管象武以父子分上下

武王之大事周之最盛者也但周推文德以先文王則武王爲子道故武詩不在周頌之初故禮記每云升歌清廟下管象武謂武也子道而在堂下示上下之義武詩主歌武王之功而未致太平王崩子幼朝廟謀事群臣進戒故次閔予小子訪落敬之也先朝廟而後諮謀君訪問而臣進戒事之次也臣旣進謀君又求助故次小毖也

一 殷天殷地謂效天地以下教令

是故夫政必本於天殷以降命正義曰殷之言效鄭云效天之氣以下教令天有運移之期陰陽之節也若賞以春夏刑以秋冬皆效天也命降於社之謂殷地謂教令由社下者也社者土地之主土會之法有五地之物生此則教令本下於社是謂效地之宜以下者也教令由社而云效地者以社五土之摠神爲土地主也大司徒職曰以土會之法辨五地之物生一曰山林

宜阜物二曰川澤宜膏物三曰丘陵宜穀物四
曰墳衍宜菜物五曰原隰宜叢物是地有山川
高下物生各有所宜人君當效之亦順合所宜
而任之山者不使居川渚者不使居中原之類
所效亦多矣以上文因政者君之所以藏身即云
政必本於天既云本天遂從天嚮下而言故云穀
以降命皆神降於人君君又降之於民也降於祖
廟之謂仁義大傳曰自輔率而上之至於祖遠者
禮仁也自祖率而下之至於禰高者重義也是祖

三

教令

於祖廟

山川五

禮理所

實有

廟有仁義降於人君人君法之下於民降於山
川之謂興作山川有材用可以興作器物有此
法以降人君人君所效降興作之教令於民也降
於五祀之謂制度五祀有中雷門戶竈行之神
中雷謂室也室及門戶竈行人之動作所由爲
皆有制度是五祀有制度以降人君人君所以
下於民爲之制度也上揀下字起自黃帝有室
則有門戶矣行是道塗所由竈有爨烹之用則
五祀乃人之所爲而云降制度於人君者以五

祀雖人所爲要理自當有聖人有以見天下之
賾而創爲之

十一清廟乃既祭後周公述其事而作

十四

清

見

文王

然如

元

清廟經曰肅雝顯相濟濟多士駿奔在廟皆是
既祭之後述祭時之事明非祭時即歌也但既
作之後常用之故書傳說清廟云周公升歌文
王之功烈德澤尊在廟中嘗見文王者愀然如
復見文王是作後每祭嘗歌之也

十一清謂象天德清明廟之言貌

清廟祀文王也周公既成洛邑朝諸侯率以祀
文王焉清廟者祭有清明之德者之宮也謂祭
文王也天德清明文王象焉故祭之而歌此詩
也廟之言貌也死者精神不可得而見但以生
時之居立宮室象貌爲之耳成洛邑居攝五年
時

禮記周禮春曰祀詩序以祀爲通名

周禮四時之祭其祭者春曰祀因春是四時之
首故以祀爲通名楚茨經云絜粢序稱祭祀是

秋冬之祭亦以祀目之此祀文王自當在春其餘序之稱祀不必皆春祀也以王制之法及鄭志所云勢禮春禘夏禘四時皆無祀名而商頌之序亦稱祀者子夏生於周世因以周法言之那與烈祖皆云丞嘗而序稱爲祀是祀爲通名也

賈逵以清靜爲清廟鄭云象德

賈逵左傳注云肅然清靜謂之清廟鄭不然者以書傳說清廟之義云於穆清廟周公外歌文

主之功烈德澤尊在廟中嘗見文王者愀然如
復見文王說清廟而言功德則清是功德之名
非清靜之義也

營洛邑成周皆周公攝政五年

書序云成王在豐欲宅洛邑使召公先相宅作
召誥召公既相宅周公往營成周使來告卜作
洛誥如是則作洛邑與成周同年營之矣書傳
說周公攝政五年營成周故知洛邑亦以五年
成之

四美周公之祭肅雝助祭者奔走顯承

毛以爲於乎可美哉周公之祭清廟也其祭之
禮儀旣內敬於心且外和於色又諸侯有明著
之德來助祭也其祭之時又有濟濟然美容儀
之衆士亦來助祭於此衆士等皆能執持文王
之德無所失墜文王精神已在於天此衆士之
行皆能配於在天言其行同文王與之相合也
此明著諸侯與威儀衆士長奔走而來在文王
之廟後世常然供承不絕則文王之德豈不顯

樂命

於天豈不承於人所以得然者以文王之德爲人所樂無見厭倦於人斯由人樂之不厭故皆奔走承之鄭唯以駿奔走二句爲異言諸侯之與多士大奔走而來在文王之廟豈不光明文王之德與言其光明之豈不順承

文王之意與言其順承之

七洛誥七年事猶云殷禮未用周禮

明堂位云六年制禮作樂頒度量而天下大服明是制作已就故度量可頒其禮亦應頒之未即施用洛誥說七年時事周公猶戒成王使肇

稱殷禮祀于新邑則是成王即政始用周禮也

一孟子仲子與軻共事子思後學于軻

孟子云齊王以孟子辭病使人問醫來孟子仲子對趙岐云孟子仲子孟子從昆弟學於孟子者也譜云孟子仲子者子思弟子蓋與孟子軻共事子思後學於孟子軻著書論詩毛氏取以為說言此譜之意稱天命以述制禮之事者歎夫天命之無極而嘉美周世之禮也美天道行而不已是歎夫天命之極文王能順天而行周禮順文王之

命云云
孟子云
孟子曰
太哉天
命之無
極而美
周之禮

卷二

子思論
詩於穆
不已仲
子奈
似

意是周之禮法效天爲之故此言文王是美周
之禮也定本作美周之禮本或作周公之禮者
誤也譜云子思論詩於穆不已仲子曰於穆不
似此傳雖引仲子之言而文無不似之義蓋取
其所說而不從其讀故王肅述毛亦爲不已與
鄭同也

文王與天同功嘉以衍我我敷收之

於乎不顯文王之德之純假以溢我我其收之
駿惠我文王純大假嘉溢慎收聚也箋云純亦

十四

戰國

王謂大

順文王

制作之

意

不已也溢盈溢之言也於乎不光明與文王之
施德教之無倦已美其與天同功也以嘉美之
道饒衍與我我其聚斂之以制法度以大順我
文王之意正義曰中庸引此云於乎不顯文王
之德之純蓋曰文王之所以爲文也純亦不已
指說此文故箋依用之文王旣行不倦已與天
同功是其道則饒衍至於滿溢故言以嘉美之
道饒衍與我我其聚斂之以制法度歸功文王
故言收文王之德而爲之耳文王本意欲得制

作但以時未可爲是意有所恨今既太平作之
是大順我文王之本意也

五 曾孫已下雖多世亦稱曾孫

孫是其正稱自曾孫已下皆得稱曾哀二年在
傳云曾孫蒯瞶敢告皇祖文王烈祖康叔是雖
歷多世亦稱曾孫也小雅曾孫唯斤成王文各
有施不得同也

維清

六 象舞象刺伐之事武王制成王世奏

維清奏象舞也象舞象用兵時刺伐之舞武王

卷

制焉正義曰春秋之世季札尚見舞象是成王
世尚秦可知此詩經言文王序稱象舞則此樂
太武象象文王之事以象舞爲名故解其名此之意故
武王之誓曰今日之事不愆于六伐七伐乃止齊焉注
象舞云一擊一刺曰一伐是用兵之時有刺有伐此
樂象於用兵之時刺伐之事而爲之舞故謂之
象舞也知者以其言象則是有所法象樂記說
大武之樂象武王之伐明此象舞象文王制焉
者以爲人子者貴其成父之事

肇肇禋鄭謂文王受命始祭天征伐

肇禋肇始禋祀也箋云文王受命始祭天而征伐也周禮以禋祀祀昊天上帝

烈成王即政以朝享之禮祭祖考

烈文成王即政諸侯助祭也新王即政必以朝享之禮祭於祖考嗣位也謂周公居攝七年致政成王成王乃以明年歲首即此爲君之政於是用朝享之禮祭於祖考有諸侯助王之祭既祭因而戒之詩人述其戒辭而爲此歌焉經之

所陳皆戒辭也武王崩之明年與周公歸政明年俱得爲成王即政但此篇勅戒諸侯用賞罰以爲己任非復喪中之辭故知是致政之後年之事也

洛洛誥言禘祭此言朝享事有先後

二案洛誥說周公致政之事云烝祭歲文王騂牛
禘一武王騂牛一王命作冊逸祝冊惟告周公其
二後注云歲成王元年正月朔日也此言以朝享
三之禮彼言禘祭文武有二者各自設祭當是先

禮就

以朝享之禮徧祭群廟以告已嗣位於祭之末
即勅戒諸侯事訖乃更以禮合祭文武於文王
之廟以告封周公也知合祭文武於文王廟者
以彼經云文王騂牛一武王騂牛一即云王命
作冊是并告二神一處爲祭畢當就尊

三無封禪云云毛王謂武王因殷舊國

毛以爲成王於祭之末呼諸侯而戒之曰汝等
有是光明文章者君人之辟公我先君文王賜
汝以此祉福也言文王造始周國此等作周藩

屏得為諸侯之福乃是文王賜之武王伐紂之
後以舊國皆應削滅而我武王觀汝舊為君者
誠無大累於汝國維我武王其就封立之又為
之陳武王之德無疆乎維是得賢人若得其賢
人則國家彊矣四方有不學教者其可使訓導
之不顯乎維是有德若能有德此賢人則身必
顯矣百辟有無所法者其可師此顯德而法象
之言武王有顯德仕賢人能以訓四方刑百辟
是武王之道至美矣於乎我之前王則此武王

卷三

鄭同主

王雅

錫文

福異

其道不可忘也示之以武王之道欲使法而行
之鄭以爲助祭者有卿士與諸侯此辭兼戒之
成王於祭之末呼之曰汝有光明文章者百辟
卿士與群公諸侯等上天賜我文王以此王天
下之祉福又愛我文王其愛之多無有疆畔使
其子孫常得安而居之故我今得嗣守其位制
賞罰之柄汝諸侯等若無大罪惡及累於汝國
維我王家其必寵而益厚之謂增其爵命加之
土地也汝卿大夫等若能念此居官大功勤事

王肅云
武王得
天下因
殷之諸
侯無大
累於其
國者就
七之序
遷也

不廢我則使汝繼世在位任其官得其次序有
殊勲異績其出於外而君之汝等當勸力爲善
也又教之爲善之法汝辟公等無彊乎維是得
賢人若得賢人則國家彊矣四方鄰國知汝任
賢其皆順從之汝卿士等不明乎維是勤其德
若能勤德則身明顯矣百君卿士知汝有德其
皆法則之此任賢勤德之事事之美者於乎我
之前王文王武王能勤行此道故人稱誦之不
忘汝等宜法效

天作

三箋云先公謂盤至不窋疏唯斥后稷

世五

序併言

先公猶

昊天序

言地般

序言薄

天作祀先王先公也注先王謂大王已下先公
謂盤至不窋疏四時之祭祠祫嘗烝但祀是摠
名未知在何時也時祭所及唯親廟與太祖於
成王之世為時祭當自大王以下上及后稷一
人而已言先公者唯斥后稷耳於王既摠稱先
王故亦謂后稷為先公令使其文相類經之所
陳唯有先王之事而序并言先公者以詩人因
於祭祀而作此歌近舉王跡所起其辭不及於

后稷序以祭時實祭后稷故其言及之昊天有成命經無地而序言地般經無海序言海亦此類也

高山謂岐荒謂廣山之德澤

正義曰以文王未徙豐之前與大王皆在岐故知高山謂岐山也韋昭云大王秩祀之而尊大焉指謂祭之爲大未必然也大王能廣山德澤明其愛民甚矣故民皆從之居之一年成邑二年成都三年五倍其初由是王之有德故致然

昊天有成命

也

郊祀天地不言神鄭禮北極崑崙

正義曰昊天有成命詩者郊祀天地之樂歌也
謂於南郊祀所感之天神於北郊祭神州之地
祇也案禮祭祀天地非止一事此言郊祀天地
不言所祀之神但祭之於郊但天地相對唯有
此一神耳何者春官大司樂職曰冬自至於地
上之國立春樂六變則天神皆降夏至於澤
中之方丘奏樂以變則地祇皆出注云天神則

我將

文相相

主北極地祇則主崑崙彼以三至之日祭之於
丘不在於郊此言郊祀必非彼也大司樂又曰
舞雲門以祀天神舞咸池以祭地祇注云天神
謂五帝主者又各以夏正月祀其所受命之帝
於南郊地祇所祭於北郊謂神州之神也地官
牧人云陽祀用騂牲毛之陰祀用黝牲毛之注
云陽祀祭夫於南郊陰祀祭地於北郊此二祀

文王配明堂非一此即孝經宗祀禮大饗

此言祀文王於明堂即孝經所謂宗祀文王於明堂以配上帝是也文王之配明堂其祀非一此言祀文王於明堂謂大享五帝於明堂也曲禮曰大饗不問卜注云大饗五帝於明堂莫適卜月令季秋是月也大享帝注云言大饗者編祭五帝曲禮曰大饗不問卜謂此也是於明堂有揆祭五帝之禮但鄭以月令爲秦世之書秦法自季秋周法不必然矣故雜問志云不審周以何月

四迎氣祭一帝還亦祀明堂

雜問志云四時迎氣於四郊祭一帝還於明堂亦如之則四時迎氣亦祀明堂但迎氣於郊已有祭祀還至明堂不可不爲禮耳其盛乃在於郊明堂之祭不過與告朔同也何則堯典說巡守之禮云歸格于藝祖爲文祖猶周之明堂巡守之歸其告止用特性則迎氣之還其祭亦不是過也明亦用特性矣此之維牛維羊則是祭之大禮故云此祀明堂是大享五帝非迎氣告

朔也

四據祭法武王亦配明堂

祭法云祖文王而宗武王注云祭五帝之神於明堂曰祖宗則明堂之祀武王亦配之矣此唯言祀文王者詩人雖同祀明堂而作其辭主說文王

禮郊用特牲此有羊配者與天異饌

此祀文王於明堂則是祭天矣禮稱郊用特牲祭法云燔柴於泰壇祭天用騂犢則明堂祭天

亦當用特牛矣而得有羊者祭天以物莫稱言
貴誠用犢其配之人無莫稱之義自當用太牢
也郊特牲云帝牛不吉以爲稷牛是配者與天
異饌明其當用太牢此祀有文武爲配於禮得
有羊也

四象法行文王之常道日治四方王肅以靖
爲謀

靖治釋詁文特牲少牢皆祝以神辭嘏主人與
之以福是受福曰嘏儀者威儀式者法式故以

時邁

儀式爲則象謂則象法行文王之常道也以此能治天下所以蒙佑不冝爲謀之故以靖爲治謂施於天下也

四時邁巡守告祭武王事周公作

正義曰時邁詩者巡守告祭柴望之樂歌也謂武王既定天下而巡行其守土諸侯至於方嶽之下乃作告至之祭爲柴望之禮柴祭昊天望祭山川巡守而安祀百神乃是王者盛事周公既致太平追念武王之業故述其事而爲此歌

焉宣十二年左傳云昔武王克商作頌曰載戰
干戈明此篇武王事也國語稱周公之頌曰載
戰干戈明此詩周公作也

四 柴祭天告至秩山川謂次秩祭之

王制注亦云柴祭天告至也云秩者山川之神
望其所在以尊卑次秩祭之堯典注云徧以尊
卑次秩祭之是也言至於方嶽之下者每至其
方之嶽皆爲告祭之禮非獨東嶽而已告祭則
四嶽皆然

封禪
亦非

五四 封禪之見於經者惟二禮大封升中

封禪之見於經者唯大宗伯云王大封則先告后土以外更無封文也禮器去因名山升中于天而鳳皇降龜龍假雖不言封亦是封禪之事故注云升上也中猶成也謂巡守至於方嶽而燔柴祭天告以諸侯之成功而太平陰陽和而致象物是則功成瑞至然後可以升中

六四 時邁武王巡守白虎通成王巡守非

以左傳之文參之此詩是武巡守矣白虎通曰

何以知太平乃巡守以武王不巡守至成王乃
巡守其言違詩反傳

四昊天天子愛武王生賢知之臣

四

周公以時既太平追述武王之事言武王既定
天下以時行其邦國其出也天行雲轉六軍皆
從羣臣賢智各司其職於是乃見昊天其於武
王子愛之矣實佑助而次序我有周之事謂生
賢智之臣使得以爲用是子愛之也其所往之
處始欲我武王以軍威動之莫不動懼而服是
生賢

明昭有

周武序

在位明

見天右

生賢

獸又可畏不假用兵也至於方嶽之下其來焉
爲安寧百神及河與高嶽皆次秩祭之武王巡
行邦國而使人神得所信乎武王之德如是維
宜爲天下之君也於此行也明見天之愛我有
周使俊乂之臣用次序在位

巡守當有師從鄭以意言禮無正文

大司馬云及師大合軍以行禁令以救無辜伐
有罪又曰若大師則掌其戒令涖衆主及軍器
上云及師下云若大師則二者之師不同也大

師言曩主及軍器是征伐實事則上云及師非
征伐也明大師爲征伐及師爲巡守故及師之
下注云師謂王巡守若會同司馬起師合軍以
從所以威天下行其政也不言大者未有敵不
尚武是巡守之禮當師從也言大合軍猶大司
樂言大合樂大合樂者徧作六代之樂則知大
合軍者亦六軍皆行也而雜問志云天子巡守
禮無六軍之文者鄭意以巡守必有六軍但禮

求懿德之士陳其功于樂歌之大者

我求懿德肆于時夏夏大也箋云懿美肆陳也
我武王求有美德之士而任用之故陳其功於
是夏而歌之樂歌大者稱夏允王保之箋云允
信也信哉武王之德能長保此時夏之美

呂叔玉肆夏即時邁鄭九夏非頌

春官鍾師凡樂事以鐘鼓奏九夏彼主引呂叔
玉云肆夏繁遏渠皆周頌也肆夏時邁繁遏執
競也渠思文也玄謂以文王鹿鳴言之則九夏

皆詩篇名頌之族類也此歌之大者載在樂章
樂崩亦從而亡是以頌不能具然則鄭以九夏
別有樂歌之篇非頌也但以歌之大者皆稱夏
耳

五執競兩言成康皆成安祖考之道

執競武王正義曰言有能持彊盛之道者維武
王耳此武王豈爲無彊乎維克商之功業實爲
彊也豈不顯乎其成安祖考之道實爲顯也由
其旣彊且顯上天以是之故嘉美之以大福又

五三

嗶嗶和

將將集

穰穰衆

簡簡大

反反難

重述武王疆顯得福之事武王用彼成安祖考之道故得受命伐紂同有天下四方之民而斤斤然其爲周家一代明察之君是其顯而得福也又武王之祭宗廟也作鐘鼓之樂其聲和樂嗶嗶然奏鼙鼙之音其聲合集鏘鏘然合於禮度當於神明故神下與之福衆多而穰穰然下與福豐大而簡簡然於時助祭之人又威儀順習反反然其祭之末此羣臣等既醉於酒矣既飽於德矣於祭之事始終無違故致福祿復來

與之言武王受此多福故今得太平是以述而歌之

四我將惟言祀文王於明堂思文言稷配天
臣語云周公之爲頌曰思文后稷克配彼天
是此篇周公所自歌與時邁同也后稷之配南
郊與文王之配明堂其義一也而此與詩將序
不同者我將主言文王三饗其祭祀不說文王可
以配上帝故云祀文王於明堂此篇主說后稷
有德可以配天不說后稷饗其祭祀故言后稷

配天

鄭引烏與穀俱來以釋來牟太誓文

貽我來牟帝命率育無此疆爾界陳常平時夏
牟麥率用也箋云貽遺率循育養也武王渡孟
津白魚躍入王舟出涘以燎後五日火流爲烏
五至以穀俱來此謂遺我來牟正義武王渡孟
津至以穀俱來皆尚書文太誓云

毛詩要義卷第十九上

毛詩要義卷第十

諸侯朝享天子饗食燕

正義曰臣下詩者諸侯助祭。建於廟之樂歌也。謂周公成王之時諸侯以禮春朝因助天子之祭事畢將歸天子戒勅而遣之於廟詩人述其事而作此歌焉諸侯來朝行朝享之禮已終天子饗食燕賜之事又畢唯待祭訖而去故於祭之末因在廟中遣之經陳戒諸侯之臣使敬其公事又戒車右令及時勸農天子賓敬諸侯不勅其

身戒其臣

曰賓敬諸侯但敕臣工與保介

正義曰此周公成王於祭之末將遣諸侯不直
戒其身爲其太仆故戒其卿大夫及車右以警
切之將戒先嗟而又嗟重歎以呼之曰我臣之
下諸官諸侯之卿大夫也汝等皆當敬慎於汝
在君之職事汝能如此則我王家當平理汝之
成功知其勤惰亦不忘汝勞汝若有大事賞罰
爾來諮謀計度於我王之廟無自專欲使諸侯

聞之亦教。事而不自尊也。又勸其車右以農
事亦嗟焉。入嗟重歎而呼之曰爾從君之保介
於車右衣巾之人也。今已是維暮之春矣。汝若
歸國亦有何所求。施於民乎。維汝如何於民之
田。畚田言汝當奈此民之新田。畚田何。欲其
民耕之也。所以令汝勸民耕田者。何於乎美
乎。亦鳥所與俱來之年。麥以瑞我周家。大受
光明。謂得此年麥之瑞而為天下所休慶也。
光明之事。乃見於上帝所聞知也。至今用以

之故常有樂歲遂時和年豐耕則必獲是
已不可舍茲可命我衆民令各具汝所用錢鏹
之田器勸力以事農畝於久必多鉅刈宜以此
告勸下民使勸於田事

回要服以內爲大賓大客外爲小賓小客

秋官大行人掌大賓之禮與大客之儀注云大
賓要服以內諸侯大客謂其孤卿然則天子之
於諸侯謂之無賓賓者敵主之辭鄭據大行人
之文以爲不絕臣之誼也以賓客之文明不也

臣

季於

諸侯不

純臣天

上諸侯

於廟

純臣

臣之義則謂天子與諸侯對爲賓主行禮是爲
不純臣若與朝廷之臣行禮饗燕則使人爲主
諸侯燕其臣使宰夫爲獻主不與臣對行禮是
純臣之也大行人又云九州之外謂之蕃國世
一見注云謂其君爲小賓臣爲小客小行人云
凡四方之使大客則擯小客則受其幣聽其辭
見於夷狄君臣亦稱賓客則四夷諸侯亦不純
臣也此則天子於諸侯之義耳若諸侯於天子
皆純臣矣

諸侯朝及廟唯上相入此廟中得有臣工
保介

勅臣之工不勅臣也諸侯之朝天子必有卿與
大夫隨之爲介故去勅其諸官卿大夫也秋官
司儀去諸侯相爲賓及將幣每門止一相及廟唯
上相入則諸侯天子亦應唯上相入廟耳此得卿
大夫及車右俱在廟中受勅者彼謂將幣饗食
行禮之時唯上相入耳此諸侯將歸遣之於廟
是召入而戒之

七 古者大事謀於廟

且古者大事謀於廟中訪落序立嗣王謀於廟
國語去謀之廊廟失之中原

日在耕中爲莫莫春周季夏孟

古暮字作莫說文去日在耕中爲莫是晚之義
也時有三月季爲其晚故以周之季春爲晚春
也知非夏之季春者以月令季冬命民脩耒耜
具田器農書稱孟春耕者急發不得於建辰之
月方始勸農故知是夏之孟春也且此諸侯來

四

春

祭

季

非

月

朝而遣之若是夏之季春非復朝王之月明堂
位去季夏六月以禘禮祀周公於太廟雜記去
七月而禘獻子爲之以六月爲正譏用七月則
祭用夏之孟月矣故王制注去祭以首時薦以
仲月諸侯時祭用夏之正月王制去諸侯禘則
不禘禘則不嘗嘗則不烝烝則不杓注去虞夏
之制諸侯歲朝廢一時祭明是朝祭同月故廢
之也明堂位去夏杓秋嘗冬烝天子之禮獨不
言春祀得不爲朝王而闕之故彼注去魯在東

車必以春或闕之以此而言明諸侯之朝皆
孟月可知由孟春耕期既逼故勅其車右以其
時事時事即耕田是也

■鄭注五穀天官與職方不同

月令春食麥夏食菽季夏食稷秋食麻冬食黍
天官疾醫以五穀養人病注云五穀麻黍稷麥
豆是也鄭以五行之穀五穀也夏官職方氏
豫州其穀宜五種注云五種黍稷菽麥稻不以
五行之穀為五種者以職方辨九州土地生殖

之所宜每州不同非五行常穀豫州之界東接
青州宜稻麥西接雍州宜黍稷明山州宜黍稷
稻麥也菽則土地多生人所常種明通菽爲五
也職方又云幽州宜三種注云黍稷稻兗州宜
四種注云黍稷稻麥皆準約所與連接者言之
也

十錢鉞以刈物鐔鋤類去草鉗獲禾短鎌

命我衆人序乃錢鐔耒觀鉗艾序具錢鉞鐔鐔
鉗獲也箋云耒久觀多也教我庶民具女田盟

鉞

鉞七逞

鉞七逞

鉞七逞

鉞七逞

鉞七逞

鉞七逞

鉞七逞

鉞七逞

終久必多鉞艾勸之也正義曰序具釋詁文說

文去錢鉞古田器世本云垂作鉞宋仲子注云

鉞刈也然則鉞刈物之器也說文云鉞田器也

釋名云鉞鋤類也鉞迫地去草世本云垂作釋

釋器云所斲謂之定李巡曰鋤也郭璞曰鋤屬

廣雅云定謂之釋呂氏春秋云釋柄尺此其度

也其釋六寸所以間稼也高誘注云釋芸苗也

六寸所以入苗間此云鉞釋當是一器但諸文

或以為釋即鋤或云鋤類古語變易未能審之

鉦一釋釋名云鉦穫禾鐵也說文曰鉦穫禾鉞鎌也然
一鉞乃則鉦器可以獲禾故云鉦穫也管子云一農之
成農事必有一鉦一耨一鉞然後成農是三著皆田
器

噫嘻

三春夏祈穀合月令左傳二文爲證

噫嘻春夏祈穀于上帝也祈猶禱也求也月令
孟春祈穀于上帝夏則龍見而雩是與必知雩
祭亦是祈穀者月令仲夏大雩帝以祈穀實是
雩爲祈穀之明文但雩以龍見爲之當在孟夏

之月爲月令者錯至於仲夏失正零之月故不
引之左傳稱凡祀啓蟄而郊龍見而雩郊雩文
連事正當此不并引左傳者又以傳無祈穀之
又故月令左傳各取其一

四十一三十里十千耦謂一川之地萬夫

駿發爾私終三十里亦服爾耕十千維耦私民
田也言上欲富其民而讓於下欲民之大發其
私田耳終三十里言各極其望也箋云駿疾也
發伐也亦大服事也使民疾耕發其私田竟三

十里言一部一吏主之於是民大事耕其私田
萬耦同時舉也周禮曰凡治野田夫間有遂遂
上有徑十夫有溝溝上有畛百夫有洫洫上有
塗千夫有澮澮上有道萬夫有川川上有路計
此萬夫之地方三十三里少半里也耜廣五寸
二耜為耦一川之間萬夫故有萬耦耕言三十
里者舉其成數

田大田私先公噫嘻上讓下

大田云兩我公田遂及我私是民意之先公也

此去駿發爾私言不及公上意之讓下也以彼公私相對知此言私對公

六 毛王三十里以極望言十千以盈數

人目之望所見極於三十每各極望則徧及天下矣三十以極望爲言則十千維耦者以萬爲盈數故以之而言非謂三十里內有十千人也王肅云三十里天地合所之而三十則天下徧此申毛之意也言人目所望三十里而天地合於三十里外不復見之是爲望極也

立田官每三十里分一部

王者之立田官每三十里分爲一部令一主田之吏主之田之吏即農夫是也七月傳云畯田大夫畯即此農夫也三十里而有一吏蓋皆以大夫爲之箋又以萬人爲耦與三十里大數相應故引周禮以證之

計遂人文正與三十里十千耦相當

川上有路皆地官遂人文也彼意言凡治郊外野人之田一夫之間有通水之遂廣深各二尺

也此遂上即有一步徑以通牛馬其十夫有通
水之溝廣深各四尺也此溝上即有一行畛以
通大車其百夫有通水之洫廣深各八尺也此
洫上即有一大塗以通乘車其千夫有通水之
澮廣丈六尺深丈四尺也此澮上即有通道以
容二軌其萬夫有自然之大川此川上即有一
廣路以容三軌是周禮以萬夫爲限與此十千
相當又計此萬夫之地一夫百畝方百步積方
夫方之是廣長各百夫以百百乘是萬也

長皆百夫夫有百步三夫爲一里則百夫爲三十三里餘百步即三分里之一爲少半里是三十三里又少半里也耜廣五寸二耜爲耦冬官匠人文也此一川之間有萬夫故爲萬人對耦而耕此萬人受田計之乃三十三里少半里正言三十里者舉其成數也以三十里與十千舉其成數正足相充故鄭首尾爲一以易傳也

注遂溝洫漕通水於川通車塗於國都

遂人注云十夫一鄰之田百夫一鄰之田千夫

二鄙之田萬夫四縣之田遂溝洫澮皆所以通
水於川也遂廣深各二尺溝倍遂洫倍溝澮廣
二尋深二仞徑畛涂道路皆所以通車塗於國
都也徑容牛馬畛容大車涂容車一軌道容二
軌路容三軌以南晦圖之則遂從溝橫從澮橫
九澮而川周其外焉是鄭具解五溝五塗之事也
以遂人治野田故還據遂中鄰里鄰鄙縣所訖之
四縣爲一部計六遂三十縣爲七部猶餘一部書
與公邑采地共爲部也何者遂人於川上有路

二十

鄭注

中雖

都鄙

逐之

注之

之下云以達於畿鄭云以致於畿則中雖有都鄙遂人盡主其地是都鄙與遂同制此法明其共為部也地官序縣正每縣下大夫一人鄙師每鄙上士一人鄭長每鄭中士一人里宰每里下士二人鄰長五家則一人計四縣有二十鄙百鄰四百里二千鄰則鄰長以上合有二十五百二十四人矣而云一吏主之者彼謂主民之官與典田者別職其主田之吏一部唯一人也遂人注所言逐溝洫澮廣深之數皆是官之文

也

一武王時始封微子於宋未爲殷後

史記杞世家云武王克殷求禹之後得東樓公封之於杞以奉夏后氏之祀是杞之初封即爲夏之後矣其殷後則初封武庚於殷墟後以叛而誅之更命微子爲殷後書序云成王既黜殷命殺武庚命微子啓作微子之命是宋爲殷後成王始命之也樂記武王封先代之後已言殷之後於宋者以微子終爲殷後作記者從後

卷二

記成

始封

微子與

樂記乘

錄之其實武王之時始封於宋未爲殷後也樂
記注云投者舉徙之辭謂微子在殷先有國邑
今舉而徙之別封宋國也若然僖六年左傳曰
昔武王克殷微子啓如是武王親釋其縛受其
璧而祓之焚其襯禮而命之使復其所史記宋
世家亦云武王乃釋微子復其位如故言復位
似還爲微子但微國本在紂之畿內旣以武庚
君於畿內則微子不得復封於微也但微子自
囚以見武王武王使復其位正謂解釋其囚使

卷三

鄭食其

湯封夏

桀樂

記異

復臣位不是復封微國也以樂記之文知武王
初即封微子於宋矣但未知爵之尊卑國之大
小耳至成王既殺武庚命爲殷後當爵爲公地
方百里至制禮之後當受上公之地更方百里
史記以爲成王之時始封微子於宋與樂記文
乖其說非也如樂記之文武王始封夏後於杞
而漢書酈食其說漢王曰昔湯伐桀封其後於
杞武王伐紂封其後於宋者主言夏殷之滅其
後得封耳

四振鷺于彼西雝謂白鳥集于澤

雝澤也謂澤名爲雝故箋云西雝之澤也明在作者之西有此澤言其往嚮彼耳無取於西之義也

五此秋冬報謂嘗烝于宗廟

豐在秋冬報也報者謂嘗也烝也經言年豐而多穫黍稷爲酒醴以進與祖妣是報之事也言烝昇祖妣則是祭於宗廟但作者主美其報故不言祀廟耳不言祈而言報者所以追養繼孝

義不祈於父祖至秋冬物成以爲鬼神之助故
歸功而稱報亦孝子之情也

四 稌訓稻廩以藏盛盛之穗

豐年多黍多稌亦有高廩萬億及秭豐大秭稻
也廩所以藏盛盛之穗也數萬至萬曰億數億
至億曰秭箋云豐年大有年也亦大也萬億及
萬曰秭以言穀數多正義曰豐大釋詁文秭稻釋草
文郭璞曰今沛國呼稻爲秭是也言廩所以藏
盛盛之穗者器實曰盛在器曰盛盛謂飯食

有瞽

也禹貢百里賦納總即禾稼也二百里銍即穗也禾稼當積而貯之不在倉廩其穗當在廩藏之故言藏盛盛之穗則自穗以往秬及粟米皆在倉廩矣

■瞽在周庭視瞭爲設業虞牙羽等

毛以爲始作大武之樂合於太廟之時有此瞽人有此瞽人其作樂者皆在周之廟庭矣既有瞽人又使人爲設其橫者之業又設其植者之業其上一刻爲崇牙因樹置五采之羽以爲之飾

既有應之小鞀又有田之大鼓其鼓懸之處集
爲懸鼓也又有鞀有磬有祝有圉皆視瞭設之
於庭矣旣備具乃使瞽人擊而奏之又有吹者
編竹之簫併竹之管已備舉作之嗶嗶然和集
其聲此等諸聲皆恭敬和諧而鳴不相奪理先
祖之神於是降而聽之於時我客三王之後適
來至止與聞此樂其音感之長令多其成功謂
感於和樂遂入善道也此樂能感人神爲美之
極述而歌之鄭唯應田俱爲小鼓爲異餘同

四橫栒加業業刻畫無明文故兩解

釋器云大板謂之業是業爲大板也又解業之所用所以飾栒爲懸也懸之橫者爲栒其上加之業所以飾此栒而爲懸設也其形刻之捷業然如鋸齒故謂之業或曰畫之謂既刻又畫之以無明文故爲兩解業即栒上之板與相配爲

三崇牙業上齒璧翼植於簏角上

明堂位云夏后氏之龍簏虞舛之崇牙注云橫

以魚飾之以鱗屬以大板爲之謂之業殷又於
龍上刻畫之爲重牙以掛懸紃是牙卽業之上
齒也以其形卷然得封繩於上故言可以爲懸
也言掛懸紃者紃謂懸之繩也掛羽置羽者置
之於栒虞之上角漢禮器制度云爲龍頭及頷
口銜壁壁下有旄牛尾明堂位於崇牙之下又
云周之壁翬注云周又畫繒爲翬戴以壁垂五
采羽其下樹翬於龔之角上飾繒多是也

一卅 鞀如鼓而小祝敵皆木爲之

鞀者春官小師注云鞀如鼓而小持其柄搖之
傍耳還自擊是也祝木控圉楬者以樂記有控
楬之文與此祝圉為一故辨之言木控者明用
木為之言祝用木以木可知而略之大師注木
漢予祝敵也是二器皆用木也臯陶謨云合止祝敵
樂舞之注云祝狀如漆甬中有椎合之者投椎於其中
而撞之敵狀如伏虎背上刻之所以止鼓謂之
鼓古本止釋樂云所以鼓祝謂之止所以鼓敵謂之鞀
郭璞云祝如漆甬方二尺四寸深一尺八寸中

有椎柄連底桐之令左右擊止者其椎名也或
如伏虎背上有二十七鉏鋸刻以木長尺櫟之
甄者其名也此等形狀蓋依漢之大予樂而知
之拘篋圍敵古今字耳

簫編竹小管如漢時賣錫人所吹

既備乃奏簫管備舉嗶嗶厥聲肅雅和鳴先祖
是聽箋云既備者縣也輦也此畢已也乃奏謂
樂作也簫編小竹管如今賣錫者所吹也管如
蓬併而吹之

四 簫有大小管數長短不同

郭璞曰簫大者編二十三管長尺四寸小者十六管長尺二寸一名簫易通卦驗云簫長尺四寸風俗通云簫參差象鳳翼十管長二尺其言管數長短不同蓋有大小故也要言是編小竹管爲之

五 賣錫吹簫猶伍子胥吹簫乞食

賣錫之人吹簫以自表也史記稱伍子胥鼓腹吹簫乞食吳市亦爲自表異也方言云錫謂之

張氏或

云滑糖

即飴

譜

張皇或云滑糖凡飴謂飴關東方之通語也然則飴者餹之類也

四漢大予樂官有簫併兩管吹

管如笛併而吹之謂並吹兩管也小師注云管如笛形小併兩而吹之今大予樂官有之是也

八冬魚性定春鮪新來故薦獻

潛季冬薦魚春獻鮪也冬魚之性定春鮪新來薦獻之者謂於宗廟也

九大者為王鮪岫居其來有時

陸璣云河南鞏縣東北崖上山腹有穴舊說云此穴與江湖通有從此穴而來北入河西上龍門入漆沮故張衡云王鮪岫居山穴爲岫謂此穴也然則其來有時以春取而獻之明新來也陸璣又云大者爲王鮪小者爲鮪鮪

十四漆沮自豳歷岐周歷豐鎬毛唯言岐周

猗與漆沮潛有多魚岐周二水名也潛揆也猗嘆美止義曰漆沮自豳歷岐周以至豐鎬以其薦獻所取不宜遠於京邑故不言豳言岐周者

四

鎬京去岐不遠故繫而言之其實此爲潛之處

積柴

當近京邑釋器云樁謂之泔李巡云今以木投

魚曰泔

水中養魚曰泔孫炎曰積柴養魚曰泔郭璞曰

泔潛

今之作樁者聚積柴木於水中魚得寒入其裏

字

藏隱因以簿圍捕取之樁字諸家本作米邊爾

雅作木邊積柴之義也然則樁用木不用米當

從木爲正也泔潛古今字

雞

四鄭謂禘大於四時而小於禘毛不明言

雖禘大祖也禘大祭也大於四時而小於禘大

四

躋推鄭

意謂此

周公攝

政五年

夏禘

祖謂文王也毛於禘祫其言不明唯闕官傳曰
諸侯夏禘則不祫秋祫則不嘗然則天子亦有
禘祫禘祫者皆殷祭蓋亦如鄭三年一祫五年
一禘武王以周十二月崩其明年周公攝政稱
元年十二月小祥二年十二月大祥三年二月
禘四年春禘蓋此明也若復五年則成王即政
之年頌之大例皆是元年前事此不應獨在五
年禘時也鄭以武王十二月崩成王三年二月
禘周公避流言而出明年春禘於時周公未反

時非太平必不能爲此頌也又明年周公反而居攝是爲元年至三年而拾五年禘常禘當以夏此則攝政五年之夏禘也然則此禘毛以春鄭以夏又不同

皇考稱文武文王亦可稱大祖

經云假哉皇考又言文武維是此皇考爲天下之人后明非后稷若是后稷則身非天子不得言維后也大祖謂祖之太者旣非后稷明知謂文王也文王雖不得爲始祖可以爲大祖也若

五

文王

而

克昌此祭文王則於禮當諱而經云克昌厥後者以
烝烝此詩自是四海之人歌頌之聲本非廟中之事
故其辭不爲廟諱及採得之後即爲經典詩書

不諱故無嫌耳烝民云四方爰發亦此類也

父祖皆得稱皇考

問予小子皇考與皇祖相對故知皇考爲武王
此則下有烈考爲武王故知皇考爲文王考者
成德之名可以通其父祖故也祭法云父曰考
祖父曰王考曾祖曰皇考此與問予小子非曾

見

祖亦云皇考者以其散文取尊君之義故父祖
皆得稱之

四載見美諸侯始朝旂和鈴革有光

毛以爲諸侯始來朝而見君主作者美而述之
曰此等皆能自求其章謂能內脩諸己自求車
服禮儀文章使不失法度以此之故其所建交
龍之旂陽陽然而有文章其在軾之和與旂上
之鈴央央然而有音聲又以脩皮爲轡首之革
其末以金爲飾有鎡然而美此旂和鈴革如是

四

孝考

禮考

武王

休然盛壯而有顯光是能自求文章故無所不
美也既能朝見以禮至於祭時伯又率之以見
於明德考謂令武王之廟使之助祭以致孝
子之事以獻祭祀之禮以光大我王使得秀眉
之壽又叙諸侯之意言此孝享介壽之道長我
諸侯能安而行之思使我君成王得衆多之福
也是光明文章之君公能得禮如是我昭考之
神乃安此諸侯以多福使之皆有光明之德以
至於大大謂令傳世無窮長爲國君也鄭以介

爲助辟公謂百辟與諸侯俾緝熙于純嘏謂使之皆光明於大嘏之意唯此爲異餘同

禮祝以福慶告曰嘏天子諸侯曰大嘏

禮運曰天子祭天地諸侯祭社稷祝嘏莫敢易其常是謂大嘏案特牲少牢皆祝以福慶之言告主人謂之嘏故知禮運大嘏是天子受福魯頌曰天錫公純嘏是諸侯亦爲大嘏也

國微子始封宋今命爲殷後來朝見

微采地名微子啓紂同母庶兄也武王殺之於

宋因命之封爲宋公代殷後承湯祀是也彼言
作微子之命所由微子先封於宋但未得爲殷
後耳於此時命爲宋公故作此命辭或召來命
之或遣使就命史傳無文未可知也要是旣受
命乃來朝而見也

■微子來見周人愛而繫留之

毛以爲微子來至京師爲周人所愛故述而歌
之言我周家今有承先代之客此客亦如我周
自來所尚而白其馬其來則有翼翼然有且且

能言能慎威儀盡心力於其事也身既如此又
敦琢其從行之徒旅言選擇從者如敦琢玉然
是從者皆賢故周人所愛有客已一宿又一宿
有客經一信復一信至已多日可以去矣我周
人授之繫絆以絆其馬愛而留之不欲使去也
至於將去王始言餞送之左右之臣又從而安
樂之謂與之餞燕厚之無已又嘆美微子得為
王者之後用其正朔行其禮樂既有大法則矣
神明降與之福則又甚異言有德故易福鄭唯

亦白其馬亦武庚爲助餘同白馬武庚所當乘
乃叛而謀之不肖之甚今微子亦乘殷之白馬
不應乘而得乘之獨賢而見尊異故丁寧美大
之言亦者駁武庚之惡而反以美之

五 新琢其旅謂選擇徒旅新雕古今字

故是從者之衆新琢治玉之名人而言新琢故
爲選擇明等其所往故擇卿大夫之賢者與之
朝王釋器去玉謂之雕又去玉謂之琢是雕琢
皆治之名新雕古今字

古之朝聘不止一旬而反

古之朝聘留停日數不可得而詳易豐卦初九
遇其配主雖旬無咎注云初脩禮上朝四四以
匹敵恩厚待之雖留十日不爲咎正以十日者
朝聘之禮止於主國以爲限聘禮畢歸大禮曰
旬而稍旬之外爲稍久留非常如鄭此言似諸
侯之朝鄰國其留以十日爲限案春秋相朝動
經時月雖復亂世之法正禮亦應當然又聘禮
曰致饗明日夕夫人歸禮旣致饗則旬而稍於

大禮之後每旬而稍稍供其芻秣亦非一旬即歸且諸侯王必待助祭祭前齋齋猶十日明非一旬而反但鄭以雖旬之言故云十日爲限不必從來至去唯十日也

四周公攝政六年時作大武之樂

武奏大武也大武周公作樂所爲舞也正義曰武詩者奏大武之樂歌也謂周公攝政六年之時象武王伐紂之事作大武之樂旣成而於廟奏之詩人觀其奏而思武功故述其事而作此

歌焉

五文王克開厥後故嗣武勝殷遏劉

毛以爲於乎可美而君哉者武王也此武王可

五

謂無彊乎維其克商之功業言克商之功業實

最爲彊也

所以能致此業而得爲彊者由於信

有文德者之文王

以聖德受命能開其後世子

孫之基緒

故武王繼嗣其迹而受之謂復受天

命以伐紂勝此殷家止其殺人之害以致安定

乃定功

汝武王之大功其盛業如此故象而制樂是以

美而歌之鄭下三句爲異言嗣子武王受其業
而行之舉兵伐紂勝殷而止其殺人至年老乃
定汝之大功言不汲汲昧紂是其功業之盛故
作樂象之

毛詩要義卷第十九中

毛詩集義卷第十九

一閔子等詩

土國政不同

正義曰閔子小子詩者嗣王朝於廟之樂歌也
朝廟早晚毛無其說毛無避居之事此朝廟事
武王崩之明年周公即已攝政成王未得朝廟
且又無政可謀此欲夙夜敬慎繼續先緒必非
居攝之年也王肅以此篇爲周公致政成王嗣
位始朝於廟之樂歌毛意或當然也此及小雅
四篇俱言嗣王文勢相類則毛意俱爲攝政之

後成王嗣位之初有此事詩人當即歌之也鄭
以爲成王除武王之喪將始即政則是成王年
十三周公未居攝於是之時成王朝朝自言敬
慎思繼先緒訪落與羣臣共謀敬之則羣臣進
戒文相應和事在一時則俱是未攝之前後至
太平之時詩人追述其事爲此歌也小序言懲
創往時則是歸政之後元年之事

二 追叙在喪之事故稱小子

曲禮稱天子在喪曰予小子若已除喪當爲吉

在喪即
政鄭謂
必以朝
享之礼
告嗣位

稱而經言小子在疚為喪中諱者以其服雖除
去喪日近又序其在喪之事故仍同喪稱言將
始即政者始欲即敕先朝於廟既朝而即聽政
故言將也烈文箋云新王即政必以朝享之禮
祭祖考告嗣位然則除喪朝廟亦用朝享之禮
祭於廟矣序不言祭者以作者王述王言其意
不在於祭故略而言朝則祭可知

四成王始朝廟悼傷遭家之不成

毛以為成王將蒞政而朝於廟乃追悼於已過

欲自強於未然故感傷而言鄭以爲周公未攝
之前成王因朝廟而感傷言曰可悼傷乎我小
子耳今遭此家道之不成唯此爲異餘同孫毓
云傳以閔爲病以造訓爲雖義不異於辭不便
箋說爲長

訪落

五成王訪落謀廟羣臣告以昭考之道

毛以爲成王始即王政恐不能繼聖父之業故
於廟中與羣臣謀事汝等當謀我始即政之事
羣臣對王曰當循是明德之考令效武王所

變之

施而爲之王又謙而答之曰於乎可嗟嘆也此
昭考之道悠悠至遠哉我之懸絕未有等數言
其遠不可及不能循之汝若將我就之使我繼
此先人之業則先人之道乃分散而去矣言已
之才不足以繼之也鄭唯繼猶判渙謂繼續其
業圖我所失分散者而收斂之未堪家多難謂
年幼未堪以此爲異

六鄭以命不易爲不變易日監近在此

敬之敬之天維顯思命不易哉無曰高高在上

陟降厥吉。百監在茲。顯見主事也。箋云。顯光監視也。羣臣見王謀即政之事故。因時戒之曰。敬之哉。敬之哉。天乃光明。去惡興善。其命吉凶。不變易也。無謂天高。又高在上。遠人而不畏也。天上下其事。謂轉運日月。施其所行。月月瞻視。近在也。

七佛訓大仔肩訓克鄭訓弼訓任

^{釋言}云。將送也。孫炎曰。將行之送。是將亦行之義。故爲行也。以光之照曜所及。廣遠故以光爲

六

仔肩共

訓任訓

克猶權

與為始

廣佛之為太其義未開釋詁云肩克也直以肩

為克耳傳言仔肩克也則二字共訓為克猶權

與之為始雙亦云肩有任也雖所訓不同亦二

字共義釋詁云緝熙光也故為光明鄭讀佛為

輔弼之弼時是釋詁文釋詁云有勝也即堪任

之義故為任也身方學之未堪為政故輔弼是

任示導我以顯明之德行欲使輔弼之人示語

已也

小結

小結言謹於小成王初政求助之樂歌

十

頌之天

例由神

廟而興

小瑟嗣王求助也必慎也天下之事當慎其小
小時不慎後爲禍大故成王求忠臣早輔助己
爲政以救患難正義曰小瑟詩者嗣王求助之
樂歌也謂周公歸政之後成王初始嗣位因祭
在廟而求忠臣助己詩人述其事而作此歌焉
經言劉父往過戒慎將來是求助之事也毛以
上三篇亦爲歸政後事於訪落言謀於廟則進
戒求助亦在廟中與上一時之事鄭以上三篇
居攝之前此在歸政之後然而頌之大例皆由

其友

其友

其友

其友

其友

神明而興此畫亦因祭在廟而求助也

井蜂訓摩曳辛螫言苦毒

予其懲而後思莫予井蜂自求辛螫忘悔也
井蜂摩曳也箋去懲艾也始者管叔及其羣弟
流言於國成王信之而疑周公至後三監叛而
作亂周公以王命舉兵誅之歷年乃已故今周
公歸政成王受之而求賢臣以自輔助也曰我
其創艾於往時矣畏慎後復有禍難羣臣小人
無敢我摩曳謂為誦詐誑欺不可信也女如是

曰

齊

譏

魯

事

微

徒自求辛苦毒螫之害耳謂將有刑誅毛以為

成王即政求助於羣臣告之曰我其懲創於往

時言管蔡始則讒毀周公後遂舉兵誅叛逆是

積小成大言後有此類當小即誅之勿使至大

又言求助之意以我才智淺薄未任獨當國家

多難之事恐我有集止於患難似蓼菜之辛苦

然鄭於下四句文勢大同屬意小異言已所以

創於往時者仁始之時信以管蔡之讒為小如

後挑蠱耳故小即誅之乃叛時作亂為王室大

患如蜚蠊翻然而飛維爲大鳥矣於時我年
少未任統理國家衆難成之事故使周公攝政
即有三監及淮夷作亂使我又會於辛苦皆由
不慎其小以致使然

三 莽蜂或作粵峯王孫爲善鄭爲惡

釋訓云孫炎曰謂和掣曳入於惡也彼作粵峯
古今字耳王肅云以言才薄莫之藩援則自得
辛毒孫毓云羣臣無肯牽引扶助我我則自得
辛螫之毒此二家以蜚蜂爲掣曳爲善自求爲

王身自求案傳本無此意故同之鄭說

疏釋箋意此周公自東反居攝稱元年

成王年十五周公自東都反而居攝稱元年其
年即舉兵東伐至二年滅叛三年踐奄叛逆之
事始得平定是歷年乃已也既創往時畏慎後
禍恐其將復如是故戒羣臣小子無敢掣曳我
也

十桃蟲小鳥今鵽鵽其雛化爲鵬

釋鳥云桃蟲鵽其雌鵽舍人曰桃蟲名鵽其雌

鳥

名鳩郭璞曰鷦鷯桃雀也俗名爲巧婦鷽鷽
鳥而生鷽鷽者也陸璣疏云今鷽鷽是也微小
於黃雀其鷽化而爲鷽故俗語鷽鷽生鷽言始
之別名小終入箋又言鷽之所爲鳥題肩或曰鷽皆鷽
鷽聲之鳥定本集注皆云或曰鷽皆鷽鳥也案月
令季冬云征鳥鷽疾注云征鳥題肩齊人謂之
鷽

擊征或曰鷽則題肩是鷽之別名與鷽不類鷽
自鷽聲之鳥鷽非鷽聲不得云皆鷽聲之鳥也
說文云鷽鷽桃蟲也郭璞云桃蟲巧婦也方言

四

說巧婦之名自關而東謂之桑飛或謂之工雀

多以為

或謂之過羸或謂之女匠自關而西謂之桑飛

或謂之

或謂之韃雀郭璞注云即鷦鷯是也諸儒皆以

不類

鷦鷯為巧婦與題肩又不類也今箋以鷦鷯與題肩

及鷦

及鷦三者為一其義未詳且言鷦之為鳥題肩

事亦不知所出遺諸後賢

四

上拚飛謂長惡此集卷謂會子辛苦

既已多難又會辛苦故王肅云非徒多難而已

又多辛苦是說將來之事對多難為文悲辛

要

之樂上以翻飛爲喻謂其使成此云又集于
蓼謂逢其叛逆故上箋言曾蔡此箋言三監猶
是一事但指意有先後耳言三監及淮夷之難
者淮夷之叛亦三監使然故連言之也

四載芟春籍田而祈社稷之樂歌

正義曰載芟詩者春籍田而祈社稷之樂歌也
謂周公成王太平之時王者於春時親耕籍田
以勸農業又祈求社稷使獲其年豐歲稔詩人
述其豐熟事而爲此歌焉經陳下民樂治田業

收穫弘多釀爲酒醴用以祭祀是由王者耕藉
田祈社稷勸之使然

正鄭以籍田爲借民漢書注典籍之田

每耕人數如周語其推之數如月令天官序云
甸師下士一人府一人史二人胥三十人徒三
百人其職去掌帥其屬而耕耨王籍注去籍之
言借也王一耕之而使庶人芸茅終之是借民
者謂借此甸師之徒也王者役人自是常事而
謂之借者言此田耕耨皆王親爲之但以聽



籍田之
意取禮
樂盛
樂集祭
祀

政治民有所不暇故借人之力以爲己功是以
謂之借也漢書孝文元年開籍田應劭曰籍田
千畝典籍之田臣瓚案景帝詔曰朕親耕后親
桑率天下先本不得以假借爲稱而鄭以爲借
民力者凡言典籍者謂作事設法書而記之或
復追述前言號爲典法此籍田在於公地歲耕
墾此乃當時之事何故以籍爲名若以事載典
籍即名籍田則天下之事無非籍矣何獨於此
偏得籍名瓚見親耕之即云不得假借豈籍田

千畝皆天子親耕之乎祭義云天子爲藉千畝躬秉耒耜以事天地山川社稷先古以爲醴酪盛盛於是乎取之敬之至也是說藉田之意也

四此始言芸播盡力末祭祀獲福

毛以爲周公成王之時耕籍以勸下民其所社而求穀實故其時之民樂治田業於是始及其所田之草始柞其所田之木待其土氣蒸達然後耕之其耕則澤澤然土皆解散又二人相對耨有千耦之人其皆芸除此所其柞草木之根

株也其耘之時或往之隰或往之畛其所往之人維爲主之家長維處伯之長子維次長之仲叔維衆之子弟維強力之兼士維所以傭賃之人此等俱往畛隰芸除草木盡蒙之衆皆服作勞有嗷然而衆其來饒饒之人即其婦之與士也此農人不以其身爲苦乃謂饒已爲勞思逆而媚其行饒之婦有愛其從來子弟是王化之深務農之至也此農人既去草木根株有略然而利者其所用之耜以此利耜始事於南畝之

中以種其百衆之穀此穀之種實皆含此當生
之活氣故從土中騁騁然其鑽土以射出其
土也乃有厭然而特茂者其傑立之苗也厭厭
然而長大者其齊等之苗也於是農人則縣縣
然用其力庶去之以此至於大熟則獲刈之濟
濟然穗衆而難進有成實而多者其此民之積
聚也乃有萬與億而及秭言其多無數也天下
豐熟而此在上稅而取之以爲三種之酒以爲
五齊之醴進于先祖先姓又以會洽聚其百衆

之禮而爲祭祀此所爲之酒醴有飫然其氣芬
香用之以祭祀爲鬼神所饗爲我國家之光榮
也此所爲之酒醴有如椒之馨香用之以祭祀
爲神降福則得年壽與成德之安寧也

四鄭倣載爲熾菑永昇以下分賓祭

鄭以倣載爲熾菑熾然入地而菑殺其草於南
畝之中又以永昇祖妣爲祭祀之禮以禮宗廟
以洽百禮爲饗燕之禮以待賓客旣言二禮又
反而申之言此所爲之酒醴有飫然其氣芬香

用之以饗燕賓客爲賓所悅爲我國家光榮也

四 侯彊即周禮彊予侯以即間民

強有餘力謂其人強壯治一夫之田仍有餘力

能佐助他事者也周禮曰以彊予任民地官遂

人文彼注云彊予謂民有餘力復予之田引之

以證彊有餘力彼民作旺注云變民言旺異外

內也然則旺民是一故以民爲人所謂閑民今

時傭賃者大率以九職任萬民其九曰閑民無

常職轉移職事鄭司農云閑民謂無事業者轉

四

漢時有

偏角

時亦

可民

移爲人執事若今時傭力也是有以此傭力
主人所東西故稱以也僖二十六年左傳曰凡
師能左右之曰以左右即東西也彼雖爲師發
例要以者任其東西故引之以證此太平之世
而得有閑民者人之才度等級不同自有不能
存立必爲人所役者聖人順而任之

其耕澤澤言土膏釋釋然解散

周語說將耕之事云陽氣俱然土膏其動韋昭
云然升也月令孟春天氣下降地氣上騰注云

此陽氣氤達可耕之候然則土氣氤達者謂陽氣
升上達出於是耕之故土得釋釋然而散也釋
訓云釋釋耕也舍人曰釋釋猶釋霍解散之意
言輩作者合家盡行輩輩俱作言趨時也

有依其士士謂子弟行饁者

士者男子之稱而不在耕芸之中宜是幼者行
饁故爲子弟此經言有喻其饁以目之婦士俱
是行饁之人七月云同我婦子子即此之士也

厭厭衆苗齊等縣縣康芸不息

有厭其傑言由傑然特美也箋申特美之意故
云先長者傑既是先長明厭厭其餘衆由齊等
者應是芸之別名縣縣是庶之貌釋訓云縣縣庶
也孫炎曰縣縣言詳密也郭璞曰芸芸不息也王
肅云芸者其衆縣縣然不絕也

穫刈言濟濟必舉動安舒

在田穫刈不得有濟濟之容但容止濟濟者必
舉動安舒

詩言以治百禮者三鄭皆觀文爲義

用酒醴者祭祀以外唯饗燕耳故言饗燕之
屬賓之初筵與豐年皆有以洽百禮之文與此
同而賓之初筵其文之下即云有壬有林林謂
諸侯之君故箋以爲合見百國所獻之禮豐年
止言報祭無饗燕之義故箋不爲說皆觀文爲
義故三者皆異毛旣無饗燕之言明皆據祭祀
與鄭不同

胡考猶言胡考胡爲壽

胡考之寧極猶飮也胡壽也考成也寧不寧安

也僖二十二年左傳曰雖及胡者周書謚法保
民者文曰胡胡爲壽也

匪且有且匪今斯今言報應疾

有天下者主於敬待神人接之以禮則人神慶
悅至誠感物祥瑞必臻故知非且有且非今斯
今謂嘉慶積祥之事非謂其有而已有之以言
報應之疾也且實語助但今謂今時則且亦今
時其實是一作者美其事而丁寧重言之耳

經是十月後事而序言秋報

正義曰良耜詩者秋報社稷之樂歌也謂周公成王大平之時年穀豐稔以爲由社稷之所祐經言百室盈止婦子寧止乃是場功畢入當十月之後而得言秋報者作者先陳人事使畢然後言其報祭其實報祭在秋寧止在冬也本或秋下有冬衍字

四始事南畝中開百室末報社續古

毛以爲農人以農爲利刃善耜始事於南畝而耕之種其百衆之穀其實皆令此當時生之

氣故生而漸長農人事而芸之於是有來視汝
之農人者載其方筐及其圓筥其於民官所盛以
饒者維是忝也既饒到田見其農夫所戴之笠
維糾然其田器之鐫以此趙而刺地以鐫去奈
麥之草其奈麥之草既朽敗止忝稷乃茂盛止
及其成熟乃獲刈之捥捥然為聲既獲訖乃積
聚之栗栗然衆多所積聚者其大如城雉之峻
壯其比迫如櫛齒之相次既蹂踐而治之則以
開百室一時而納之於是百室皆盈滿而多穀

粟止婦子皆不行而安寧止天下大熟民安如此國家乃殺是博之牲有却然者此牲之角用此牲以報祭社稷所以報祭之者以嗣繼其先歲復求有豐年以續接其往歲復得以養人又求良善司嗇以續古昔之人庶其常勤勸農常得豐年也鄭唯倣載為熾苗為異餘同

三 趙謂以罇刺地奈陸穢麥水草

其罇斯趙則趙是用罇之事罇是鋤類故趙為刺地也王肅云奈陸穢麥水草然則所由田有

原有隰故並舉水陸穢草

三黍貴稷賤豐年雖賤者猶食黍

筐筥之下即云饌黍故知筐筥所以盛黍也少牢特牲大夫士之祭禮食有黍明黍是貴也玉藻玄子卯稷食菜羹爲忌日賤而用稷是爲賤也賤者當食稷耳故云豐年之時雖賤者猶食黍

七開百室謂四閭之族同時納穀

一族同時納穀親親也百室者出必共洫閭而

族其

油

故祭

酃醢醢

之飲

耕入必共族中而居又有祭酺合醵之歡正義
曰周禮五家爲比五比爲閭四閭爲族是百室
爲一族於六鄉則一族於六遂則一鄴是鄭以
鄉尊於遂故舉鄉言耳上篇言千耦此篇言百
室雖未必一人作而其文千百不同故解其
意千耦其芸輩作者尚衆故舉名言也一族同
時納穀見聚居者相親故舉少言也又解族黨
州鄉皆爲聚屬獨以百室爲親親之意由百室
出必共洫間而耕入必共族中而居又有同祭

義九

古書

漢

有嘉慶

大

醕

醕合醕之歡也故偏言之也遂人云百夫有酒故知自室共洫間而耕彼注云百夫一鄰之田為六遂之法族在六鄉而引彼者小司徒注云鄉之田制與遂同故得舉鄰之制以言族也祭醕者族師職云春秋祭醕注云醕者為人物災害之神也古書醕為步因此祭醕聚錢飲酒故後世聽民聚飲皆謂之醕漢書每有嘉慶令民大醕五日是其事也

族無飲酒禮鄭意祭醕必有醕

禮器云曾子曰周禮其猶醕與注云合錢飲酒
爲醕王居明堂之禮乃命國家醕是也族師雖
云祭醕不言卽爲醕飲酒禮記自有醕語不云
醕是族法鄭知祭醕必有飲酒合醕是族法者
以族師上文云月吉則屬民必爲行禮不可徒
然又以族無飲酒之禮故知因祭醕必合錢飲
酒與其民長幼相酬酢也鄉飲酒之禮州長於
春秋有屬民射於州序之禮黨正於國家索鬼
神而祭祀有屬民飲酒于序以正齒位之禮此

皆禮有飲酒當以公物供之無為湏舍錢也
族無飲酒之禮明合錢飲酒是族師之法故箋
以為同族之禮

四社稷牛無文箋舍禮緯從毛傳

王制云祭天地之牛角繭栗宗廟之牛角握賓
客之牛角尺無社稷之文社稷卑於宗廟宜與
賓客同尺也禮緯稽命徵玄宗廟社稷角握此
箋不易毛傳蓋以禮緯難信不據以為正也

四祭明日又祭曰繹曰彤卿以下曰賓尸

絲衣繹賓尸也高子曰靈星之尸也繹又祭也
天子諸侯曰繹以祭之明日卿大夫曰賓尸與
祭同日周曰繹商謂之彤

三序惟繹賓尸一句後人增高子曰

四經之所陳皆繹祭始末之事也子夏作序則唯
置此一句而已後世有高子者別論他事云靈星
爲尸之言祭靈星之時以人爲尸後人以高子言
靈星尚有尸宗廟之祭有尸必矣故引高子之
言以證賓尸之事子夏親受聖旨不須引人爲

四五

證毛公分序篇端於時已有此語鄭志荅張逸
云高子之言非毛公後人著之高子者不知何
人孟軻弟子有公孫丑者稱高子之言以問孟
子則高子與孟子同時趙岐以為齊人此言高
蓋彼是也靈星者不知何星漢書郊祀志云高
祖詔御史令其天下立靈星祠張宴曰龍星左
角曰天田則農祥也晨見而祭之史傳之說靈
星唯有此耳未知高子所言是此以否

四
繹主賓事此石禮大者別名繹

宣八年六月辛巳日祭壬午而繹是魯爲諸侯
用祭之明日故金華傳曰繹者何祭之明日也知卿
大夫曰賓尸者今少牢饋食禮者卿大夫之祭
禮也其下篇有司徹所行即賓尸之禮是卿大
夫曰賓尸案其禮非異日之事故知與祭同日
然則天子諸侯謂之繹卿大夫謂之賓尸是繹
與賓尸事不同矣而此序去繹賓尸者繹祭之
礼主爲賓事此尸但天子諸侯禮大異日爲之
別爲立名謂之爲繹言其尋繹昨日卿大夫礼

小同日為之不別立名直指其事謂之賓尸耳
此序言釋者是此祭之名賓尸是此祭之事故
特詳其文也

四始言祭初恭順末言無罰有壽考

正義曰此述釋祭之事上五句言祭之初下四
句言祭之末初言畢者恭順則當祭尊者可知
祭末舉其不慢則當祭恭敬明矣是舉終始以
見中舉輕以明重也言於祭之前使士之行禮
在身所服以絲為衣其色經然而鮮紫在首戴

其爵色之麻弁其貌俛俛而恭順此絲衣戴弁
之人從門堂之上既視壺濯及籩豆降往於門
塾之基告君以濯具更視三牲從羊而往牛所
以告肥充又發舉其雞犬彘之覆幕而告此
鼎之絜矣祭之初使卑者行事尚能恭順故至
於當祭事戶禮無失者以此至於祭末旅酬之
節兕觥罰爵其觥然徒設無所用之所以然者
由此助祭飲美酒者皆思自安不譁譁不傲慢
每事如禮故無所罰恭順如此當於神明是得

講考之休徵

四 繹在門不在廟知此爲門堂非廟堂

釋宮云門側之堂謂之塾孫炎曰夾門堂也冬官匠人云門堂三之二注云以爲塾也白虎通云所以必有塾何欲以飾門因取其名明臣下當見於君必熟思其事是塾爲門之堂也直言自堂徂基何知非廟堂之基者以繹禮在門不在廟故知非廟堂也郊特牲曰繹之於庫門內祔之於東方失之矣繹於門內爲失明其當在

釋

門外枋以東方爲失明其當在西方是枋之與
祭釋大釋一時之事故注云枋之禮宜於廟門外之西
而釋室釋又於其堂神位在西二者同時而大名曰
祭釋又禮器曰爲枋乎外注云枋祭明日之釋祭
也謂之枋者於廟門外之傍因名焉其祭之禮
既設祭於室而事尸於堂孝子求神非一處也

祭堂

以此二注言之則枋釋大同而釋統名焉

注

牲先小後大而鼎先大後小取韻

自羊俎牛是從此往彼爲先後之次故知詩意

言先小後大爲行事之漸也釋器云鼎絕大者謂之鼎鼐既絕大鼎自然小故曰小鼎謂之鼎鼐則先大後小與牛羊異者取鼎爲韻故變其文也

禮絲衣非祭服知此弁爲士

禮有冠弁韋弁皮弁皆以不絲爲衣且非祭祀之服雜記去士弁而祭於公冠而祭於已士冠禮有爵弁服紂衣與此絲衣相當故知此弁是爵弁士服之以助君祭也又解天子之朝羣官

特牲雖

目

士禮引

以證君

無嫌

辭

多矣所以不使服冕之人而使戴弁之意由繹
之禮輕故使士也若正祭則小宗伯立視滌濯
祭之日逆盥省饋告時于王告備于王彼正祭
重使小宗伯此繹祭輕故使士蓋亦宗伯之屬
士也知使士升門堂視壺濯及饔豆者以特牲
爲說特牲雖則士禮而士卑不嫌其禮得同君
臣酌詩所述王師毛述武王鄭謂文王
正義曰酌詩者生戍大武之樂歌也謂周公攝
政六年象武王之事作大武之樂既成而告於

廟毛以爲述武王取紂之事即是武樂所象類以爲武王克殷用文王之道故經述文王之事以昭成功所由功成而作此樂所以上本之也言告成大武不言所告之廟有誓始作樂而合乎太祖此亦當告太祖也大司樂舞大武以享先祖然則諸廟之中皆用此樂或亦徧告羣廟也

桓詩武王將伐紂爲類爲禡

正義曰桓詩者講武類禡之樂歌也謂武王將

欲伐殷陳列六軍講習武事又爲類祭於上帝
爲禘祭於所征之地治兵祭神然後克紂至周
公成王太平之時詩人追述其事爲此歌焉序
又說名篇之意禘者威武之志言講武之時軍
師皆武故取禘字名篇也

類或言南郊或言隨兵所鄉

謂之類者尚書歐陽說以事類祭之天位在南
方就南郊祭之春官肆師云類造上帝注云造
猶即也爲北以類禮即祭上帝也類禮依郊祀

而為之者言依郊祀為之不用歐陽事類之說
為義也言為非以祭上帝則是隨兵所嚮就而
祭之不必祭於南郊但所看是南郊所祭之
天耳正以言造故知就其所往為其非位而祭
之不要在南郊此言小異於歐陽也

禡或蚩尤或黃帝禡貉貍皆同

禡之所祭其神不明肆師云凡四時之大田獮
祭表貉則為位注云貉師祭也於立表處為師
祭祭造軍法者禡氣勢之增倍也其神蓋蚩尤

卷

或曰黃帝又句祝掌四時之田表貉之祝號杜
子春云貉兵祭也貉又或爲貊字古今之異也

賡詩大封於廟之樂經無賡字

正義曰賡詩者大封於廟之樂歌也謂武王既
伐紂於廟中大封有功之臣以爲諸侯周公成
王太平之時詩人追述其事而爲此歌焉經無
賡字序之說其名篇之意賡字也言所以錫予
善德之人

大封是武王伐紂時封將率兄弟

五

書格
二必
要方
野對

宣十二年左傳曰昔武王克商而作頌其三曰
敷時繹思我祖維求定引此文以爲武王之頌
故知武王伐紂時封諸臣有功者封爲諸侯樂
記說武王克殷未及下車而封薊祝陳下車而
封杞宋又言將率之士使爲諸侯是大封也昭
二十八年左傳曰昔武王克商光有天下其兄
弟之國十有五人姬姓之國者四十人古文尚
書武成篇說武王克殷而反祀於周廟列爵惟
五分土惟三大賚于四海而萬姓悅服皆是武

王大封之事此言大封於廟樂記未至廟而已
封三恪二代者言其急於先代之意耳祭統曰
古者明君必賜爵祿於太廟示不敢專也然則
武王未及下車雖有命封之必至廟受策乃成
封耳亦在此大封之中也皇甫謐云武王伐紂
之年夏四月乙卯祀於周廟將率之士皆封諸
侯國四百人兄弟之國十五人同姓之國四十
人如謐之言此大封是伐紂之年事也

武王戒羣臣於廟言文王以勤得天

般

正義曰武王既封諸臣有功者於文王之廟因以文王之道戒勅之言我父文王既以勤勞於政事止以勤勞於事故有此天下之業我當受而有之故我徧於是文王勞心之事皆陳而思行之我往以此維求安定言用文王之道往行天下以求天下之定此文王勞心之事是我周之受天命而王之所由於乎今汝諸臣受封者亦當陳而思行之

一 般詩巡守祀嶽河經無般字

六二

正義曰般詩者巡守而祀四嶽河海之樂歌也
謂武王既定天下巡行諸侯所守之土祭祀四
嶽河海之神神皆饗其祭祀降之福助至周公
成王太平之時詩人述其事而作此歌焉經稱
樂不言喬嶽翁河是祀河嶽之事也經無般字序又說
中言河其名篇之意般樂也爲天下所美樂定本般樂二
不言瀆字爲鄭注未知孰是嶽實有五而稱四者天子
不言海巡守遠適四方至於其方之嶽有此祭禮於中
嶽無事故序不言焉四瀆者五嶽之匹故周禮

嶽瀆連文序旣不言五嶽故亦不言四瀆以河
是四瀆之一故舉以為言漢書溝洫志曰中國
川原以百數莫著於四瀆而河為宗然則河為
四瀆之長巡守四瀆官祭言河可以兼之經無
海而序言海者海是衆川所歸經雖不說祭之
可知故序特言之

三始言嶽河末言裒神而配祭之

毛以為於乎美哉是周家也旣定天下巡省四
方所至之處則登其高山之嶽而祭之其祭之

也於大山之傍有隋隋然之小山與高而爲嶽
者皆信案山川之圖者又合九河爲一以大小次
序而祭之也徧天之下山川皆聚其神於是配
而祭之能爲百神之主德合山川之靈是周之
所以受天命由此也鄭唯以皇爲君哀爲衆爲
異餘同

四河從廣河北分爲九齊威公塞之同爲一
漢書地理志鉅鹿郡有鉅鹿縣大陸澤在其北
賈注云在鉅鹿鄭志答張逸云鉅鹿今名廣

河澤然則河從廣河之北分爲九也禹貢兗州
九河旣道孔安國注云河水分爲九道在此州
界平原以北是也鄭注云河水自上至此流盛
而地平無岸故能分爲九以兼其勢壅塞故通
利之也九河之名徒駭太史馬頰覆金胡縣簡
帛鉤盤南津周時齊桓公塞之同爲一今河間
弓高以東至平原南盤往往有其遺處焉鄭言
九河之名釋水文也溝洫志稱成帝時博士許
商以爲古記九河之名有徒駭胡縣南津今見

在成平東光南界中自南以北至徒駭間相去
二百餘里今河雖數移不離此域如商此言上
舉三河之名下以縣充之則徒駭在成平胡蘇
在東光南津在南縣其餘六者商所不言是於
時已不能詳知其處故也又商言自南以北至
徒駭間相去二百餘里則徒駭是九河之最北者
南津是九河之最南者然則爾雅之文從北而
說也

狀古九河皆兗州界於漢屬冀州

書之河跡難得而詳要於禹貢之時皆在兗州之界於漢之世則兗州之所部近南其界不及於北故鄭志趙南謂河在兗州之北已分爲九河分而復合至大陸之北又分爲九故問之曰禹貢導河至于大陸又北播爲九河然則大陸以南固未播也在於兗州安得有九至於何時復得合爲一然後從大陸已北復播爲九也荅曰兗州以濟河爲界河流分兗州界文自明矣復合爲一乃在下頭子走南北何所求乎觀子

所云似徒見今兗州之界不及九河而青冀荆
分之故疑之耳既知今亦當知古是鄭以古之
九河皆在兗州之界於漢乃冀州域耳言復合爲
一乃在下頭正以經云同爲逆河入于海明并爲
一河乃入于海故云在下頭耳亦不知所并之
處故不斥言之齊相公塞爲一者不知所出何
書其并爲一未知并從何者